

Referencia:	2021/16728L
Procedemento::	Expedientes de asistencia técnica en materia de servicios de inspección y evaluación ambiental
Interesado:	XUNTA DE GALICIA
Representante:	
SECCIÓN DE XESTIÓN AMBIENTAL (4853)	

INFORME TÉCNICO DE CONTESTACIÓN AO TRÁMITE DE CONSULTAS PREVIAS NO PROCEDEMENTO DE AVALIACION AMBIENTAL ESTRATEXICA ORDINARIA DO PLAN XERAL DE ORDENACION MUNICIPAL DO CONCELLO DE VERIN.

Recibida á solicitude formulada pola Dirección Xeral de Calidade Ambiental e Cambio Climático, a esta administración para a emisión de informe sobre procedemento da “avaliación ambiental estratéxica ordinaria do plan xeral de ordenación municipal do concello de Verín “, procédese a realizar a seguinte análise e observacións:

- No punto 2.1, no que describe os obxectivos específicos ambientais, sería interesante establecer a concordancia do presente Plan Xeral de Ordenación Municipal cos obxectivos das Directrices de Ordenación do Territorio, e facer a xeito de resumo unha táboa que indique o grado de contribución deste plan a ditas directrices.
- No punto 2.2, na páxina 8 de 33, sería interesante que estes obxectivos se adaptaran a unha eficiencia obrigada e necesaria, coa posta en marcha do uso de novas tecnoloxías e dixitalización, que permita a xestión de activos de forma dixitalizada, máis eficiente e por tanto, máis sostible, por exemplo un sistema de información que permita avanzar na dixitalización da xestión e control dos servizos públicos municipais (ciclo integral da auga, RSU...), xa que posibilitaría unha mellor xestión patrimonial das infraestruturas. Así como, o documento non debe perder de vista, a inclusión de obxectivos de eficiencia enerxética
- No documento inicial estratéxico analizado, non indica que o municipio de Verín, presenta un **alto risco por incendios forestais** segundo o PLATERGA (Plan Territorial de Emerxencias de Galicia), polo que se estima necesaria á realización do Plan municipal de prevención e defensa contra incendios forestais, tal e como recolle

o artigo 16 da Lei 3/2007, de 9 de abril, de prevención e defensa contra os incendios forestais de Galicia), coa idea de poder incluír todas as medidas adoptadas para a prevención e extinción no PXOM ou en futuras modificacións.

- Deberíase facer tamén un estudio pormenorizado da evolución dos riscos naturais e antrópicos : riscos sísmicos, de erosión, transporte de mercadorías perigosas, riscos de inundación... entre outras.

E para finalizar recordar que, a partir da súa aprobación definitiva, haberá de establecerse un sistema de avaliación continua da incidencia do PXOM coa finalidade de verificar se as medidas descritas como previstas para evitar ou minguar os posibles efectos negativos do planeamento acadan os obxectivos agardados, así como para evidenciar calquera outro impacto ambiental non contemplado.

Isto e canto teño a ben informarlle.